



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

Art. I. Homo - Exterior Domus - Opus Naturæ.

[urn:nbn:de:hbz:466:1-46065](#)

SERMO V.

DOMVS SAPIENTIÆ

*Virtutibus, tanquam partibus constituta; variisque
ornamentis externis & internis decorata.*

ARTICVLVS I.

HOMO-EXTERIOR-DOMUS.

Opus Naturæ.



NGENTEM hanc Universitatis molem
quam incolimus, Mundi nomine cele-
brem, veterum sapientissimi, Urbem esse
dixerunt, seu Civitatem, loquendi modo
(a) Stoicis familiari, quo etiam utitur Ci-
cero (b) scribens i, de leg. *Uniuersus hic Mundus una*
Civitas; & alibi. *Est Mundus, quasi communis urbs.* In qua-
simili concipiendi libertate, hominem quemlibet, di-
xero esse Domum. Bella fabrica, pulchrum palatium est
Homo: Domus Principis; (c) *Quoniam inhabitabo, in-*
quit summus Principum, in illis, & in ambulabo inter eos, &
ero illorum Deus. Et alibi tres Personæ diuinæ; *Ad eum*
veniemus, & mansio nem apud eum faciemus. (d) Imprimis
autem considero in Homine, tanquam regia quadam
Domo, bipatentes sensuum exteriorum portas, quz
multitu-

(a) Sen, ad Marciam cap. 18. Lip. lib. 2. Stodifl. 7. (b) Cie-
lib 1. de leg. Lib. 2. de nat. Deos. (c) 1. Cor. vi. 16. Leuit.
xxvi. 12. (d) Joann. xiv. 23.

multitudinem quamlibet numerosam admittere possunt, & emittere, ut aditus sint faciles, & nulla ingrediendi, ac egrediendi obstacula. Tum in altissima eius parte, Capitis *Hypethrum* (a) seu subdiale, (b) solarium (c) nunc dicunt, officulis octo, ut Medici numerant, veluti columellis, circumdataum. Deinde, spaciofissimam thoracis aulam, viginti quatuor costarum, velut pilorum peristylio cinctam. Interius triangulare pectoris conclave, trium ossum concusum fabricatum.

Est deinde secretior in intimis Domus penetralibus cordis thalamus, seu geniale Principis cubile. Amplum adsumendam corporis refectionem oris *Triclinium*, triginta duobus acuminatis dentiū officulis, ut cultris, instructū. Nisi mauis dicere, *Tabernam carnariam*, aut domesticum *Macellum*, in quo carnes conciduntur, & ad ventriculi culinam, inibi coquendæ, deferuntur. Ventriculus profectò, siue stomachus, *Coquinam* refert, suis abundantem instrumentis, & ministerijs. In ea coctrix facultas, non secus, ac peritissimus coquus ventriculo ipsi insidens, suis cum administris, Attrahentibus, Detinentibus, ac Concoquentibus potentijs, toto conatu in alimenti sibi commissi decoctionem incumbit: ipsumque natui ignis calore, ibidem perpetuò æstuantis, transmutat. *Follium* vicem præstant Pulmones: *Camini*, vel *Spiraculi*, aut *Infumibili*, gurgilio. *Fornacis* semper calentis, Iecur, *Frigidaryj*, in quo ad totius Domus usum frigida afferuantur, est cerebrum. Alia ad culinam necessaria vascula, sunt, *Folliculus fellis*, in quo flauabilis: *conceptaculum splenis*, in quo atra. Neque deest in hac Principis Domo, *Archium*, siue *Tabularium*, in quo instrumenta, litteræ, monumenta publica, tabulæ, & quæ-

O 4 non

(a) Vitruvius quod sub æthra sit. (b) Plin. (c) Locus apertus columpis fultum.

non obliuisci conuenit, reconduntur. Constructum est illud in supra magna contignatione Capitis, tribus distinctum cellulis, in quibus rerum omnium species, forma, notiones, veluti monumentorum, tum priuatum, tum publicorum chartæ, ac memorialia detinentur, donec extrahendi inde sit necessitas. Scala in gyrum ascensiles, vel cochlea exhibet in corpore humano tot venæ erraticæ, præterea, nerui & arteriæ, per quæ velociter, spiritus, sanguis, aquæ, sursum, deorsum, dextrorsum sinistrorum feruntur. *Vehiculi*, in Domos necessarij, usum præstat pituita. Fenestras exprimunt oculi suo cum reticulato textu. Tecti instar est calua, seu Cranium.

BIBLIOTHECA formam obtinet in penitâ hominis parte, Memoria. Comitij aut conciliabuli, in quo consilia tractantur, Intellectus: Penetrata est Voluntas. Item, Homo constat quatuor Elementis, ut lapide & ligno in unum corpus compaginatis, unionis calce. Accedit forma, tum externa, quam videmus oculis, tum interna, quæ dicitur Anima, & incurrit in visum intelligentia. Fundamentum in corpore humano, sunt pedes: Columna, crura: Parietes, Caro: Tectorium, Cutis: Tectum pectinatum ad surgens, vel rotundatum, vertex capitis. Denique, quod ad Domus huius firmitatem mirè conduceat, Eamenta, seu sustentacula sunt ossa, non pauciora, quam trecenta tredecim, quæ accurate in hac summi Principis fabrica, à Medicis, eius conservatoribus, numerantur.
 (a) Atque haec in Homine est *Domus Exterior*, præter quam est *Interior* alia: sequor enim distinctionem Doctoris Gentium, (b) qui interiorem hominem opponit exteriori. Sic duplex est *Domus Exterior* & *Interior*: at hoc in illa.

AR.

(a) *Vesalius lib. x. cap. 39. ex Galeno.* (b) *Ad Roman. vii.*